

**REGLUGERÐ****um fasteignaskatt í Bólstaðarhlíðarhreppi í Austur-Húnavatnssýslu.**

Fasteignaskatt í Bólstaðarhlíðarhreppi, A.-Húnavatnssýslu skal innheimta með 300% álagi eins og hann er ákveðinn í 3. gr. laga nr. 51 10. júní 1964.

Reglugerð þessi staðfestist hér með samkvæmt lögum nr. 51 10. júní 1964, 5. gr. sbr. 3. gr., til þess að öðlast gildi þegar í stað, og birtist til eftirbreytni öllum þeim, sem hlut eiga að máli.

*Félagsmálaráðuneytið, 16. ágúst 1968.*

**Magnús Jónsson.**

*Hjálmar Vilhjálmsson.*

Nr. 231.

24. júlí 1968.

**Staðfesting forsetans** á skipulagsskrá fyrir Kvikmyndasafnið, útgefin á venju-  
legan hátt að mandatum af dómismálaráðherra 24. júlí 1968.

Skipulagsskráin er þannig:

**SKIPULAGSSKRÁ****fyrir Kvikmyndasafnið.**

## 1. gr.

Kvikmyndasafnið er stofnað af Þorgeiri Þorgeirssyni, Vonarstræti 12, Reykjavík.

## 2. gr.

Kvikmyndasafnið er sjálfseignarstofnun, sem rekin verður undir eftirliti stjórn-  
ar kvikmyndaklúbbsins, en á ábyrgð framkvæmdastjóra þess.

## 3. gr.

Kvikmyndasafninu eru í upphafi lagðar til eignar eintak af hverri kvikmynd,  
sem stofnandi hefur gert, svo og frumeintak heimildarkvikmyndar hans um frum-  
uppfærslu leikfélagsins Grímu á leikritinu Reiknivélin.

## 4. gr.

Tilgangur kvikmyndasafnsins er að eignast og varðveita eintök kvikmynda, sem  
hafa kvikmyndasögulegt gildi eða sérstakt gildi fyrir sögu Íslands. Jafnframt skal  
það stuðla að rannsóknum á kvikmyndasögu og veita fræðslu um hana með útgáfu  
rita, fræðsluerindum, kvikmyndasýningum og umræðufundum.

## 5. gr.

Kvikmyndasafninu er óheimil verzlun með þau eintök kvikmynda, sem það á  
og eignast, enda skal það starfa í samræmi við reglur alþjóðasambands slíkra stofn-  
ana (International Federation of Film Archives) og uppfylla skilyrði aðildar að al-  
þjóðasamtökunum.

## 6. gr.

Fyrsti framkvæmdastjóri kvikmyndasafnsins er stofnandi þess, Þorgeir Þorgeirsson, og annast hann daglegan rekstur þess.

## 7. gr.

Stjórn safnsins skipa þrjú menn. Skál einn þeirra tilnefndur af stofnanda safnsins og afkomendum eftir hans dag, en tveir tilnefndir af kvikmyndaklúbbnum.

Hlutverk stjórnar kvikmyndasafnsins er að hafa eftirlit með rekstri safnsins gæta þess, að hann sé í samræmi við reglur safnsins.

Stjórn safnsins yfirfer reikningsskil safnsins, sem gerð skulu af framkvæmdastjóra að loknu hverju almanaksári. Stjórnin sendi síðan reikninginn til endurskoðanda, sem fjármálaráðuneytið tilnefnir fyrir 1. marz ár hvert.

## 8. gr.

Tekjur safnsins verða hluti af árgjöldum félaga í kvikmyndaklúbbnum, svo og frjáls framlög styrktaraðila.

## 9. gr.

Leggi opinber aðili fram fé til styrktar safninu til jafns við tekjur þess sbr. 8. gr. skal sá aðili tilnefna einn mann í stjórn, en kvikmyndaklúbburinn einn í stað tveggja.

## 10. gr.

Kvikmyndasýningar safnsins skulu fara fram í Litlabíói og er engum öðrum heimill aðgangur að þessu en félögum kvikmyndaklúbbsins, sem náð hafa 16 ára aldri.

## 11. gr.

Komi að því að starfsemi kvikmyndasafnsins falli niður, skal stjórn safnsins og framkvæmdastjóri ákveða hvaða aðila fela skuli varðveislu eigna þess að fengnu samþykki endurskoðanda þess, sem tilnefndur er af fjármálaráðuneytinu sbr. 7. gr.

## 12. gr.

Leita skal staðfestingar réttra stjórnvalda á skipulagsskrá þessari og þeim breytingum, sem á henni kunna að verða gerð einróma af stjórn kvikmyndasafnsins.

*Reykjavík, 16. maí 1968.*

**Þorgeir Þorgeirsson.**

**REGLUGERÐ**

**um breyting á reglugerð nr. 127/1958, um meðferð búfjár við rekstur og flutning með vögnum, skipum og flugvélum.**

## 1. gr.

5. gr. reglugerðarinnar orðist þannig:

Sýna skal sauðfé og öðrum skepnum fyllstu nærgætni við smölnun og rekstur, forðast ber að hundbeita það eða þreyta um nauðsyn fram.

Þegar sauðfé, svin eða kálfar eru flutt með bifreiðum, skal ávallt vera gæzlumaður bifreiðastjóra til aðstoðar við flutningana. Skal gæzlumaður fylgjast vel með gripunum og gæta þess, að sem bezt fari um þá og þeir verði fyrir sem minnstu hnjaski.